

## **Kalaallit Nunaanni meeqqat inatsiseqartitaanerannik inatsimmut nalunaarut**

Matumuuna nalunaarutigineqarpoq Kalaallit Nunaanni meeqqat inatsiseqartitaanerannut inatsit nr. 197, 16. juni 1962-imeersoq, inatsimmi nr. 483, 21. maj 2014-imeersumi § 1 naapertorlugu allannguutigitinneqartut ilanngullugit.

### Kapitali 1.

#### *Ataataatitaaneq.*

§ 1. Meeqqat angajoqqaavinnik angajoqqaallit tassaapput angajoqqaat meeqqap pinngorfissaata nalaani aappariillutik kingusinnerusukkulluunniit aappariilersimallutik inooqatigiittut qitornaat.

§ 2. Meeraq anaanaasup aappaqarnerani pinngorsimasinnaasoq uiusup qitornaatut isigineqassaaq. Taamaattorli tamanna atussanngilaq eqqortumik oqaatigineqarpat anaanaasok allamut kujatsissimasok, isumaqarnarpallu meeraq taassumanga pinngorsimasok, umaluunniit meeqqap inunnguutsiminik piginnaassutsit kingornutai pissutigalugit allamiluunniit immikkut ittumik pissutilimmik qularnaatsutut isigineqarsinnaappat uiusok meeqqap ataataginngikkaa.

*Imm.* 2. Meeqqap pinngorfissaata nalaani aappariit averusersimappata imaluunniit isumaqatigiinngissuteqarneq pissutigalugu inooqatigiikkunnaarsimappata imm. 1-mi maleruaqqusaq aatsaat atorneqassaaq eqqortumik oqaatigineqarpat meeqqap pinngorfissaata nalaani kujassimasut.

§ 3. Meeraq anaanaasup katereerneratigut inuusoq kisianni tamanna sioqqullugu pinngorsimassangatinneqartoq uiusup qitornaatut isigineqassaaq. Taamaattorli ataatassarsiuinissaq suliasanngortinneqarpat tamanna aatsaat atussaaq uiusok § 6-mi maleruaqqusaq naapertorlugu meeqqamut ataataasutut akilersuisussatulluunniit isigineqarsinnaappat.

§ 4. Meeqqamut uersakkamut anaanaasok angummut ataataanerani aalajangiiffigisamut imaluunniit inatsisit uku naapertorlugit meeqqamut tassunga akilersuisussaataasumut katippat meeraq taanna angajoqqaaviit qitornaattut qitornaassaaq.

§ 5. Meeqqanik §§ 2-3-mi eqqartorneqartunik ataatassarsiuinissaq uiusumit, anaanaasumit, meeqqamit meeqqamulluunniit sinniisuutitanngortitaasumit suliasanngortinneqarsinnaavoq.

*Imm. 2.* Suliassaq uiusumit pissutsinik ataataatitaajumajunnaarnermigut tunngaviusinnaas-sasorineqartunik ilisimasaqalerneranit ukioq ataaseq qaangiutsinnagu, kingusinnerpaamillu meeqqap inunngornerannit ukiut tallimangortinnagit, suliassangortinneqassaaq.

*Imm. 3.* Kalaallit Nunaanni eqqartuussiveqarneq pillugu inatsimmi § 278, imm. 4-mi, piunasaqaatit naammassineqarpata Nunatta Eqqartuussisuuneqarfiani landsdommeri akuersisinnaavoq suliap suliassangortinneqarnissaanut, killigititaaq imm. 2 naapertorlugu qaangiutereeraluartoq.

**§ 6.** Meeqqamut uersakkamut ataataasutut isigineqassaaq meeqqap pinngorfissaata nalaani anaanaasumik kujannissimasoq pissutsinik unnerluutigisap taassuma meeqqamut ataataaneramik qularnartunngortitsisunik saqqummiisoqanngippat.

**§ 7.** Meeqqanik uersakkanik ataatassarsiuneq aalajangerniarneqassaaq §§ 8-12-mi maleruaqqusat naapertorlugit, taamaattorli tak. § 10, imm. 2.

*Imm. 2.* Meeraq uumanani inuuppat maleruaqqusat tamakku aatsaat atortinneqassapput § 20 naapertorlugu akilersuuteqarnissaaq piunasaqarpata.

**§ 8.** Meeqqamut uersakkamut anaanaasup erninermigut erninnaq politiinut (kommunefogedimut) saaffiginninnermigut ataatassarsiuinissaaq suliassangortissavaa. Suliluunniit naartunermini tamatuminnaga suliassangortitsisinnaatitaavoq.

*Imm. 2.* Kialuunniit nakorsatut ernisussiorlutulluunniit meeqqap uersakkap inuuniarnerani ernisussiorsimasup tamanna piaarnerpaamik politiinut (kommunefogedimut) nalunaarutigissavaa. Ernisunnermi ikiuuttoqarsimangippat anaanaasup erninini nalunaarutigisussaavaa.

**§ 9.** Ataatassarsiuineramik suliassap sulissutigeqqinnissaa kredsdommerimullu nassiunneqarnissaa politiit isumagisassaraat.

**§ 10.** Meeqqamut uersakkamut anaanaasup oqaatigisassaraa kina meeqqamut ataataasooq ataataasinnaasorluunniit.

*Imm. 2.* Rigsombudsmandip anaanaasooq nassuiaateqartussaannermik imm. 1-mi eqqartorneqartumik nassuiaateqanngitsooqusinnaavaa ataataasup oqaatiginissaa meeqqap iluaqutissaanut akerliusutut isigisariaqarsorinangippat.

**§ 11.** Ataataasutut oqaatigisap ataataanini akuersissutigisinnaavaa ima nammineerluni politiinut ornigunnikkut tunniunneqartussamik allalluni nalunaaruteqarnikkut imaluunniit nammineerluni kredsdommerimut ornigunnikkut oqaatigalugu nalunaarnikkut. Ornigunnermi inatsisitigut sunniutaasussat akuersissuteqarnermi pilersussat apeqquumillu eqqartuussutikkut aalajangeeqquisinnaatitaaneq erseqqissumik ilisimaqquneqassappat. Ataataasutut oqaatigineqartooq 18-it inorlugit ukiuliuppat sinniisuutitaasup ataataatitaanermik akuersinermut akuersinissaaq piunasaqarpata.

*Imm. 2.* Ataataasutut oqaatigisap ataataanini akersissutiginnippagu suliassaq eqqartuussisutigut aalajangigassanngortinneqassaaq. Aamma taamaattussaavoq immikkut ittunik pissutissaqarluni ataataasutut oqaatigisap akuersinera akuersaarlugu nangaanartinneqarpat, tamatumunnga ilanngullugu isumaqarnarpat meeqqap pinngorfissaata nalaani anaanaasoq arlalinnut kujatsissimasoq. Taamaattorli ataataatitaanermik akuersineq akuerineqarsinnaavoq pineqartup anaanaasoq katissimappagu.

*Imm. 3.* Social- aamma indenrigsministerip aalajnersinnaavaa ataataatitaanermik akuersineq akilersuisussaataitaanerluunniit nunani allani akurisaasut naalagaaffimmi maani aalajangiinermut naligitinneqassasut.

**§ 12.** Aalajangersakkat siuliini allassimasut naapertorlugit ataatassarsiuinissaq suliassanngortitaanngippat tamanna meeqqap inuunerani kingusinnerusukkulluunniit anaanaasumit, meeqqamit taasuminngaluunniit sinniisuutitamit imaluunniit inunnit institutionillu § 18, imm. 2-mi, taaneqartunit suliassanngortinneqarsinnaavoq.

## Kapitali 2.

### *Meeqqap pilersorneqarnera.*

**§ 13.** Angajoqqaat tamarmik immikkut meeqqamut pilersuisussaapput. Angajoqqaat inuunerminni atortorisaat meeqqallu ilauqutissaa isumagalugit meeraq pilersugaassaaq, perorsarneqassaaq ilinniartitaassallunilu. Meeqqanut uersakkanut akilersuisussaaneermik aalajangiiffigisaaginnarsimasunut § 19-mi maleruaqqusat atorneqassapput.

*Imm. 2.* Angajoqqaat arlaata meeqqamut pilersuisussaaneerini naammassinngippagu taanna naalakkerneqarsinnaavoq meeqqap pilersorneqarneranut akilersuisussanngorlugi.

*Imm. 3.* Meeqqamut angajoqqaaviit qitornanut akilersuutissat aalajangersarnissanut pissusiusussamut Kalaallit Nunaanni aappariilernissamikaappariikkunnaarnissamillu inatsimmi §§ 70-mi, 71-mi 77a-milu maleruaqqusat atorneqassapput. Meeqqamut uersakkamut akilersuutissat ataatassarsiuineranut atatillugit aalajangerneqarnissaat kissaatigineqarpat tamatumunnga apeqqut tamanna peqatigalugu eqqartuussisunit aalajngerneqassaaq. Pisimasussani allani piumasarisaq najugarisami akilersuiffigisassaasup najugaani eqqartuussisunut saqqummiunneqassaaq.

**§ 14.** Akilersuutissat meeqqap iluaqutissai angajoqqaasullu aningaasatigut atortoqarnerat, tamatumunngalu ilanngullugu inuutissarsiorsinnaassusiat, isumagalugit aalajangerneqartassapput. Angajoqqaajusut tamagimmik ajorsartuuppata akilersuutissat pisanertut akilersuutaasartunut meeqqap najugarisaani qanorilisukkulluunniit atortuusunut aalajangerneqartassapput. Meeraq pinngitsaaliilluni kujanninnikkut eqqartuussummi aalajangikkamik pinerlunnerutitaasukkut pinngorsimappat akilersuutississuuserneqassaaq meeqqap pilersorneqarnissaani aningaasartuutissaasut tamaasa akilerneqartussanngorlugit.

*Imm. 2.* Akilersuisussaaneq meeqqap 18-inik ukioqalernerani atorunnaassaaq. Panimmut akilersuutit aamma atorunnaassapput taanna katippat allamillu aalangiineqanngippat.

*Imm. 3.* Taamaattorli atuartitaanermut ilinniartitaanermulluunniit akilersuuteqarnissaq naalakkiutigineqarsinnaavoq meeqqap 24-nik ukioqalernissaata tungaanut.

*Imm. 4.* Allami aalajangiineqanngippat akilersuutissat ukiup qeqqakkuutaarlugit siumut akilerneqartassapput. Meeqqap qitornarsiannngortitaanera toquneraluunniit ikiuni akilersuif-fiusussani pineqartuni akilersuutaasunut ilanngaataassanngillat.

**§ 15.** Meeqqap kuisinnerani, apersortinnerani, napparsimanerani ilisaaneranilu aningaasartuutaasut pissutigalugit allamilluunniit immikkut ittumik pissutilimmik immikkut akilersuutissiineqarsinnaavoq.

*Imm. 2.* Imm. 1 naapertorlugu akilersuutissat aatsaat aalajangersarneqarsinnaapput aningaasartuutaasut akilerneqarneraniit qaammatit pingasunngortinnagit piumasarisaq saqqummiunneqarpat piffissarititap taassuma akimorneqarnissaanut naammaginartumik pissutissaqarnera uppersarsisinneqanngippat.

**§ 16.** Akilersuutissat tungaveqartumik tamanna piumasarineqaraangat qanorilisukkulluunniit allanngortinneqartarsinnaapput. Taamaattorli akilersuutissat piumasarisap saqqummiunneqarnera sioqqullugu akilerneqartussanngoreersimasut aatsaat allanngortinneqarsinnaapput pissutsinik immikkorluinnaq ittunik saqqumersoqaraangat.

*Imm. 2.* Akilersuutissat immikkut ittunik tamatumunnga pissutissaqaraangat aatsaat naalakkiutigineqartarsinnaapput piffissamut piumasarisap saqqummiunneqarnerata ukiumik sioqqunneraniit sivisunerusumut.

**§ 17.** Meeqqanut angajoqqaaviit qitornaanut akilersuutissanik isumaqatigiissuteqarnernut Kalaallit Nunaanni aappariilernissamik aappariikkunnaarnissamillu inatsisini § 71-mi aalangersagaq atoneqassaaq.

*Imm. 2.* Meeqqamut uersakkamut akilersuutissanik isumaqatigiissuteqarnerit aatsaat atortuusussaapput kredsdommerimit akuerineqarunik. Taamatu akuerineqarneq pissutsit annertuumik allannguuteqarsimappata kingusinnerusukkut allamik aalajangiinissamut akornutaassanngilaq.

*Imm. 3.* Isumaqatigiissuteqarneq taanna meeraq pisortanut nanertuutaalersimappat pisortanik noqitsisussaannngilaq.

*Imm. 4.* Akilersuutissat tamakkerlugit ataatsikkut akilerneqarnerisigut pilersuisussaanerup aalajangerneqarnissaanik isumaqatigiissuteqarnerit landsdommerimit akuerineqarsinnaapput. Taamatut akuerinninneqarsinnaavoq isumaqatigiissuteqarneq taanna aamma pisortanit malinneqartussanngorlugu.

**§ 18.** Kapitali manna naapertorlugu akilersuutissat meeqqap pisassarai. Taamaattorli meeqqamut uersakkamut inuit arlallit akilersuisussanngortitaappata § 19, imm. 3-mi, maleruaqqusat atoneqassapput.

*Imm. 2.* Meeqqap pilersorneqarnerani aningaasartuutaasunik akiliisartuq akilersuutissanik aalajangeqqusisinnaatitaallunilu akilersuutissanik akileeqqusisinnaatitaavoq pineqartup

taassuma angajoqqaatut oqartussaaitaanerup atorunnaarnerani meeraq taanna angajoqqaatut oqartussaaffigippagu oqartussaaffigisimappaguluunniit iamluunniit meeraq eqqortumik tigungmisarippagu. Pisortat meeqqap pilersorneqarneranut aningaasartuuteqarnerattuut annertutigisumik pisortat institutionilluunniit pineqartut taamatut pisinnaatitaapput.

§ 19. Meeqqamut uersakkamut akilersuisussaaitaaneq (ataataatitaanerunngitsoq) kisimi aalajangerneqarpat akilersuutissat tassaassapput akilersuutaasartut qanorilisukkulluunniit atortuusut. Inuit arallit akilersuisussaaitaasinnaappata taakkutamarmik immikkut akilersuutissat tamakkerlugit akilersuisussaaitaassapput.

### Kapitali 3.

#### *Meeqqap inuunerani il.il. aningaasartuutitut akilersuuteqarnissaq.*

§ 20. Ataataasoq akilersuisussarluunniit naalakkerneqarsinnaavoq meeqqap inuunerani anaanaasullu pilersorneqarneranut aningaasartuutaasunut meeqqap inuunera qaammatinik marlunnik sioqqullugu qaammammillu ataatsimik kingoqqullugu akilersuuteqartussanngorlugu. Immikkut pissusiusutigut, pingaartumik anaanaasup naartuneranik ernisunneranilluunniit pissuteqartumik napparsimanerani, akilersuutissat naalakkiutigineqarsinnaapput meeqqap inuunera sioqqullugu qaammatit sisamat killigalugit inuuneratalu kingornagut qaammatit qulingiluat killigalugit. Akilersuutissat taakku naalakkiutigineqarsinnaapput meeraq toqungalluni inuugaluarpalluunniit.

*Imm. 2.* Aammattaq aranmik naatulersitsisoq naatulersitsisimasinnaasorluunniit ernigaluarnermi immikkut aningaasartuutaasariaqalersimasunut akilersuisussanngorlugu naalakkerneqarsinnaavoq.

*Imm. 3.* Paragrafimi tassani imm. 1 naapertorlugu akilersuutissat akilerneqartussanngussapput meeraq inuuppat, akilersuutissat aalangerneqarneratigut erninnaq taamaangippallu piffissani akilersuutissanik aalajangersakkani erseqqinnerusumik aalajangikkani. Imm. 2 naapertorlugu akilersuutissat erninnaq akilerneqartussanngussapput. Akilersuutissat paragrafimi tassani eqqartorneqartut tungaasigut § 16, imm. 2-mi, aalajangersagaq taamatut atorneqassaaq.

*Imm. 4.* Kapitali manna naapertorlugu akilersuutissat anaanaasup imaluunniit pisortat institutionilluunniit pineqartut aningaasartuuteqarsimasup pisassaraat. Inuit arlallit akilersuisussaaitaappata § 19, imm. 3-mi, maleruaqqusaq atorneqassaaq.

### Kapitali 4.

#### Aalangersakkat assigiingitsut.

§ 21. Qitornaq angajoqqaami toqugamik pigisaanit siumut akilersuutissanik piunasaqarnermik nalunaarsinnaanngilaq, kisianni kingornussissaaq. Kingornussisarnermik inatsimmi § 36 naapertorlugu qitornap kingornussisussaaitaanerata atorunnaarneratut annertutigisumik inatsisit ukua § 22-at atortinneqassaaq.

*Imm.* 2. Aappaasup kingulliusup pigisat nikisinnagit siulliulluni toqusup qitornai peqatigalugit pigiinnarumappagit taanna naalakkerneqarsinnaavoq qitornaasut pilersorneqarnerannut akilersuuteqaqqullugu, kisianni taasuma aningaasatigut pissusiinik nalunaarsuineq najoqqutaralugu tamanna aatsaat naleqquttuutinneqarpat naleqquttuutinneqarneratullu annertutigisuinnarmik.

**§ 22.** Angutip meeqqamut uersakkamut akilersuisussaasup pigisai pigisat taakku akiliisinnaassuseqarpata siumut akilersuutissat akilernissaanut pisariaqartunik akiliuteqasapput. Meeraq akilersuisussaaitamit kingornussisussaappat aningaasat taakku meeqqap kingornussassaanut ilanngaataasariaqarput. Toqusoq kingornussisussaasumik uillarneqarpat kinguaaqarpalluunniit (kitornarsiaviit ilanngullugit) aningaasat taakkua toqusoq taanna ataataatitaasimagaluarpat meeqqap kingornussassarisaralui sinnissanngilaat. Kingornussisarnermik inatsisini § 36-mi maleruaqqusaq tassuuna atorineqassaaq.

*Imm.* 2. Akilersuisussaasooq pigisat nikisinnagit piginniinnartumik uillarneqarpat § 21, imm. 2-mi, aalajangersagaq taamatut atorineqassaaq.

*Imm.* 3. Pigisanik agguaanermik aalajangersaasartut toqusup meeqqanut uersakkanut akilersuisussaananeramik ilisimasaqalerunik pigisanit piumasaqarnissap noqqaassutiginnissaa isumagisassaraat.

**§ 23.** Kalaallit Nunaanni kingornussisarnermik inatsimmi §§ 37-39-mi maleruaqqusat atortinneqarneratut annertutigisumik meeraq §§ 21 aamma 22 naapertorlugit piumasaqartussaajunnaarsitaasassaaq.

**§ 23a.** Meeraq 1. juni 1963 sioqqullugu Kalaallit Nunaata kitaani, imaluunniit 1. juli 1974 sioqqullugu avannaani kangianiluunniit uersagaq, § 26 atuukkaluartilluguluunniit ataataassarsiuinissamik suliassanngortitsisinnaavoq.

*Imm.* 2. Meeqqap toquneratigut pigisaanik kingornussisussaq/-ssat aamma/imaluunniit anaanaasup toquneratigut pigisaanik kingornussisussaq/-ssat imm. 1 naapertorlugit suliassanngortitsisinnaavortaaq/-pputtaaq.

*Imm.* 3. Inatsisip kapitali 1-ani Kalaallillu Nunaanni eqqartuussiveqarnek pillugu inatsimmi, uersakkat ataataassarsiuunneqartarnerat pillugu aalajangersakkat, imm. 1 naapertorlugit sulianut atortuutinneqassapput, taamaattorli tak. imm. 4 aamma 5.

*Imm.* 4. Imm. 1 naapertorlugit suliassanngortitsinerit kredsrettimi meeqqap najugarisaanniitumi suliarineqassapput. Meeraq Kalaallit Nunaanni najugaqanngippat ataataasutut nalunaarutigisaata najugarisaani suliassanngortitsineqassaaq, imaluunniit ataataasutut nalunaarutigisaq toqusimappat pigisaanik kingornussisussaananermut suliaq kredsrettimi najugarisaanniitumi suliarineqassaaq. Najugarisami eqqartuussivikkut suliassanngortitsineqarsinnaanngippat imm. 1 aamma 2 naapertorlugit Eqqartuussisoqarfik Sermersooq-mi suliassanngortitsineqassaaq.

*Imm. 5.* Pisariaqarpat eqqartuussinermi nammineq sinnerluni pisinnaatitamik eqqartuussivik meeraq imm. 1 naapertorlugu suliassanngortitsisoq sinnerlugu piginnaaniliisitsisinnaavoq.

§ 24. Nassuiaatissanik §§ 8-mi 10-milu, imm. 1-mi, eqqartorneqartunik oqaatigisaqanngitsoorneq akiliisitaanermik pillaaateqartinneqartassaaq.

§ 25. Inatsisip uuma naammassineqarnissaanut peqqusissutissat pisariaqartut, taakkununga ilanngullugit aningaasat tamaasa ataatsikkoortillugit akilerneqarnerisigut akilersuutissat aalajanagerneqarnissaanik isumaqatigiissuteqarnerit akuerineqarnissaat pillgit maleruaqqusat erseqqinnerusut, ministerip aalajangersassavai.

§ 26. Inatsit una 1. juni 1963-mi Kalaallit Nunaata kitaanut atortuulissapput. Kalaallit Nunaata avannaata kangiatalu tungaatigut piffissaq inatsisip atulorfissaa, pisariaqarpat pisariaqarneratut oqilisaaserlugit, Kunngip peqqussutaatigut aalajangerneqassaaq.

*Imm. 2.* Kapitali 1-mi 3-milu aalajangersakkat § 5 kisiat pinnagu inatsisip atulerneratigut inuusunnarnut atorineqassapput. §§ 5-mi, 22-mi 23-milu aalajangersakkat meeqqanut inatsisip atulernera sioqqullugu inuusunut aamma atorineqassapput. Kapitali 2-mi aalajangersakkat aamma taamaattuussapput, taamaattorli piffissap tamatuma kingornagut ukiuni akilersuutissaannarnut.

*Imm. 3.* Inatsisip atulernerata kingornagut ukiut marluk tungaanut § 5 naapertorlugu suliassaq meeqqap inuuneraniit ukiut tallimat sinnerlugit qaangiutereersimagaluarpataluunniit uiusumit suliassanngortinneqarsinnaavoq.

---

Inatsisip nr. 483, 21. maj 2014-imeersup (Meeqqat inatsiseqartitaanerannik Kalaallit Nunaanni inatsisip il.il. atuutilersinneqarnera sioqqullugu meeqqanut aappariinnerup avataatigut inunngorsimasunut ataataassutsimik aalajangersaasarneq) atortuulerneranut tassungalu ikaarsaarnermut makkuninnga aalajangersagaqarpoq:

### § 3

Inatsit atuutilissaaq 1. juni 2014.

### § 4

*Imm. 1.* Meeqqap ataataassarsiorneranik suliame, Kalaallit Nunaanni meeqqat inatsiseqartitaanerannik inatsimmi § 6, imm. 2 naapertorlugu aalajangikkami, angut angutilluunniit arlallit akilersuisussaataitasut Kalaallit Nunaanni eqqartuussisarnermik

inatsimmi § 278, imm. 1 atortuugaluartilluguluunniit ataatassarsiuinermut suliamik suliareqqitassanngortitsinissamut noqqaasinnaapput.

*Imm. 2.* Meeqqap toquneratigut pigisaanik kingornussisussaq/-ssat meeqqallu arnaa imaluunniit arnaasup toquneratigut pigisaanik kingornussisussaq/-ssat aammattaaq imm. 1 naapertorlugu noqqaasinnaapput.

*Imm. 3.* Uersakkat pillugit Kalaallit Nunaanni meeqqat inatsiseqartitaanerannik inatsimmi kapitali 1-mi aalajangersakkat aammalu Kalaallit Nunaanni eqqartuussisarnermik inatsimmi aalajangersakkat suliani atortuutinneqassapput imm. 1 naapertorlugu, taamaattorli tak. imm. 4.

*Imm. 4.* Pisariaqarpat eqqartuussivik meeqqamut nammineq sinnerluni pisinnaatitamik imm. 1 naapertorlugu noqqaassuteqartumut piginnaaniliisitsisinnaavoq.

## § 5

Ataataaneq inatsimmi § 1, nr. 4, imaluunniit § 4, naapertorlugu aalajangerneqartoq pillugu toqunikkut pigisanik kingornussisussaq suliareqqitassanngortitsinissamut tunngavilersuisinnaanngilaq, ataatassasiarluni suliami piffissami tassani naammassineqareersumut imaluunniit suliareqqitassanngortitsilluni noqqaassutaareersumut.

*Social- aamma Indenrigsministeria, ulloq 30. juni 2015*

P.M.V.  
NINA EG HANSEN

/ Anita Hørby